

# Siðareglur

## Kjörinna fulltrúa hjá Garðabæ

### 1. gr.

#### Markmið

Markmið þessara reglna er að skilgreina það háttarni og viðmót sem ætlast er til að kjörnir fulltrúar sýni af sér við störf sín fyrir Garðabæ.

### 2. gr.

#### Starfsskyldur

Kjörnir fulltrúar skulu í störfum sínum fylgja lögum, reglum og samþykktum Garðabæjar, sem og sannfæringu sinni. Þeim ber að gæta almannahagsmuna og hagsmuna sveitarfélagsins.

Kjörnir fulltrúar hafa ávallt í heiðri grundvallarreglur góðrar stjórnslu, þ.m.t. gagnsæja og upplýsta ákvarðanatöku. Bæjarfulltrúar skulu í störfum sínum koma fram af háttvísi. Þeim ber að forðast að hafast nokkuð að sem getur varpað rýrð á störf þeirra eða Garðabæ.

Kjörnum fulltrúum ber að virða fjárhagsáætlun og grundvallarreglur um fjármálastjórn sem tryggja réttmæta og ábyrga meðferð á almannafé sveitarfélagsins.

Kjörnum fulltrúum ber að starfa af kostgæfni, fyrir opnum tjöldum og vera reiðubúnir að rökstyðja ákvarðanir sínar. Þeir skulu bera ábyrgð gagnvart bæjarbúum í heild sinni og svara fyrirspurnum almennings um framkvæmd þeirra starfa sem þeir bera ábyrgð á sem kjörnir fulltrúar.

### 3. gr.

#### Valdmörk

Kjörnir fulltrúar gæta þess að fara ekki út fyrir umboð sitt í störfum sínum og virða verkaskiptingu í stjórnkerfi Garðabæjar. Þeir skulu sýna störfum og réttindum annarra kjörinna fulltrúa Garðabæjar og starfsmanna bæjarins virðingu.

Tengill kjörinna fulltrúa við starfsmenn bæjarins er bæjarstjóri eða staðgengill hans.

### 4. gr.

#### Hagsmunaárekstrar

Kjörnir fulltrúar nýta sér ekki stöðu sína í þágu einkahagsmuna sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Garðabæ lýkur. Einnig skulu þeir gæta þess að nýta sér ekki óopinberar upplýsingar til eigin hagsbóta. Kjörnum fulltrúum ber að forðast hagsmunaárekstra í störfum sínum og vekja athygli á því ef hætta er talin á slíkum árekstrum. Um mat á hæfi þeirra við meðferð einstakra mál fer eftir ákvæðum 3. gr. stjórnslulaga nr. 37/1993

Kjörnir fulltrúar, nefndarmenn og stjórnendur sem sitja í stjórnnum, eða starfa hjá einkareknum eða opinberum félögum sem gætu átt hagsmuna að gæta vegna beinna eða óbeinna viðskipta við sveitarfélagið skulu upplýsa um það.

**5. gr.**

**Gjafir og fríðindi**

Kjörnir fulltrúar þiggja ekki gjafir, fríðindi eða önnur hlunnindi frá viðskiptamönnum eða þeim er leita eftir þjónustu Garðabæjar ef líta má á það sem endurgreiðslu fyrir greiða eða sérstaka þjónustu.

**6. gr.**

**Trúnaður**

Kjörnir fulltrúar gæta þagnarskyldu um það sem þeir fá vitneskju um í starfi sínu og leynt á að fara vegna einkahagsmuna eða almannahagsmuna, samkvæmt lögum eða eðli máls. Trúnaðurinn helst áfram eftir að kjörnir fulltrúar láta af störfum.

Kjörnir fulltrúar virða trúnað um ummæli einstakra fundarmanna á lokuðum fundum í nefndum og ráðum Garðabæjar, sem og um innihald skjala og annarra gagna sem þeir fá aðgang að starfa sinna vegna og trúnaður skal vera um, enda byggi hann á lögmætum og málefnalegum kröfum.

**7. gr.**

**Að virða hlutverk starfsmanna**

Kjörnir fulltrúar skulu í störfum sínum virða hlutverk starfsmanna Garðabæjar. Þeir mega ekki hlutast til um að starfsmenn geri neitt sem hefur þann tilgang að verða kjörna fulltrúanum á beinan eða óbeinan hátt til hagsmunalegs ávinnings, né heldur aðila náteygðum honum eða ákveðnum hópum eða fyrirtækjum.

**8. gr.**

**Stöðuveitingar**


Kjörnum fulltrúum ber að koma í veg fyrir að einstaklingum sé veitt starf eða stöðuhækkun hjá sveitarfélaginu á öðrum forsendum en hæfni til að rækja starfið og gæta þess þegar þeir koma sjálfir að ákvörðun umval á starfsmönnum, að hæfasti umsækjandinn hljóti starfið.

**9. gr.**

**Miðlun siðareglna til kjörinn fulltrúa og almennings**

Kjörnir fulltrúar undirgangast þessar siðareglur með undirskrift sinni og lýsa því þar með yfir að þeir ætli að hafa þær að leiðarljósi. Siðareglurnar skulu vera aðgengilegar starfsfólki bæjarins, almenningi og fjölmiðlum á vef bæjarins.

Siðareglur kjörinna fulltrúa hjá Garðabæ voru samþykktar við síðari umræðu á fundi bæjarstjórnar 6. febrúar 2014.

  
Guðjón Erling Friðriksson,  
bæjarritari.

